

張文定公靡悔軒集

張文定公靡悔軒集卷之五

墓誌銘四首

明故資政大夫刑部尚書海山王公墓誌銘

公王氏諱時中字道夫號海山山東黃縣人高祖  
會祖昇祖璉號南圃鄆陵知縣有治行縣稱神君累贈  
刑部尚書父鑽號芝峯灤州同知累贈兵部尚書母秦  
氏繼母吳氏俱贈夫人公性機澄朗好讀書早以文鳴  
成化丙戌年二十一中省試弘治庚戌舉進士壬子授  
鄆陵知縣至則邑人謠曰神君之後也其將復活我矣  
公至闢田勸農興學厚俗振靡剔蠹緩良糾奸民乃益

喜通移來歸飛蝗遍隣壤而郿陵獨無頌聲四起旣去  
立碑以志至今父老有望碑達者嘗出郊旋風擁馬首  
不得行公曰必冤氣也仰隸人尾之旋入䟽圍繞皆井  
不散召主者根究其故乃少婦外通殺其夫掘井果得  
屍人以爲神有點豪華持官司短長虎視一邑公暴其  
奸抵之法丁巳選授監察御史督察畿輔馬政明年遭  
秦夫人喪服闋復官尋以吳夫人喪去甲子起復正德  
初逆瑾煽亂毒痛海內公抗疏極論瑾嚙之識名于屏  
已而公巡按宣大見綱紀隳弛上下玩愒日甚則極意  
振飭厲厥風樛時劉總督宇瑾私人也嘗爲賊吏祈宥

於公公不從宇旣憾公又承瑾言矯詔繫逮公令荷重  
枷露太三忒司之前三日數跽且殆閣臣力援乃釋械  
遣戍鐵嶺衛庚午瑾伏誅用薦爲四川按察副使時廖麻  
子騫老人兵起震蕩三川總制尚書彭公澤檄公備重  
慶保順諸路公據江爲險增陴浚隍繕甲勵天申飭禁  
令嚴遣間諜寇卒不敢東向百姓得不及難事平策勲  
受白金文綺之

賜乙亥遷湖廣按察使清冒籍折僞券解結疏滯常不  
煩而集楚民安之雅不喜奢覲僚友設燕席過爲繁縟  
命撤其三分之一乃就坐事之有矩矱節制類此丁丑陞

右僉都御史巡撫寧夏上疏言惠寧堡比去塩池不甚  
遠虜騎之衝請於此築城爲備置將設兵列墩臺使烽  
堠聯絡足以扞固鎮城遠爲靈州聲援然後蓄財養銳  
守其不攻所遇阨塞時奮呼一戰當使隻輪不返又言  
今將佐貪而愛身士卒悍不用命尺籍不登常額而庸  
係私門者衆帶甲控弦者無幾矧復扣縮歲支辦納月  
金是冗食無補空名而鮮實也且士卒提鉞不賞死事  
不以名聞戰敗則偏置將佐於事何益又請靈州建學  
置師檢武臣子弟行伍之興秀群肄其中大發丁夫鑿  
漢唐故渠自是數百里內畝歲登數釜巡花馬池還謀

者報虜數千騎直下公曰賊遠來疲矣可速戰乃戎服  
據鞍夜馳五十里比曉至興武營與虜遇指麾諸將分  
布士卒鼓譟而進斬首三十餘級時

武皇在榆林捷奏大悅

賜麟服王緋環旌其功辛巳召爲右副都御史入佐院  
事因以覲省請

特命給驛歸盒異數云旋聞芝峰翁喪嘉靖甲申服闋  
以舊官起慶王召法居西夏所爲多不法撫臣列上罪  
狀

上命公往按之盡得其情奏廢爲庶人進兵部右侍郎

未幾遷左

上出

獻皇帝宸翰賜公丙戌陞尚書奉

勅提督團營侍

經筵乃甄才勇汰懦弱隨器授事無不任者丁亥

賜恩紀含眷堂集

御製五箴註文獻通考諸書秋鄭村埧有盜嘯聚數百  
人剽掠鄉邑守臣輒張皇

請兵公曰無以爲也此亡命挾惡少竊發爾檄武帥乘  
賊不意以偏師宵濟遂大破之擒首惡數人餘脇從咸

縱釋歸戊子通州守備鄒佑者被論因波及公即引嫌請避位辛卯事白驛

召復兵部三辭乃就列

上幸無逸殿公進講詩幽風一章冬例處大辟

上重念刑獄宣示輔臣曰王某性資詳慎可刑部尚書公感知遇原情考汰平反著千人壬辰秩滿

賜寶鏹羊酒進授資政大夫蔭子一人爲國子生星變條上六事且引咎陳退

上皆優詔荅之癸巳馮御史恩疏列輔臣六曹長貳過爲軒輊

上大震赫令械繫詔獄疏中謂公爲具臣公笑曰具臣亦不易得嫉之者欲坐上言大臣德政律公言御史糾舉職也何罪卒處以不死而公遂落職人服公雅量云歸後謝賓客杜口不談世事課子弟讀書時作小詩自況丙申

詔許致仕公自以待

三朝歷中外四十年晚得領骸骨休居林下保茲終始從容與鄉人觴詠爲樂壬寅元夕坐燈棚下觀孫兒群嬉猶爲酌酒爲歡十六日昧旦遂卒先數日家人隱約見車蓋節幢甚都若迎送狀是日寥廓中聞鼓吹音云

享年七十有七生成化丙戌十一月十九日配閻氏累  
封夫人側室張氏男子四長守全先公卒次守經歲貢  
生閻夫人出次守綱蔭授南京前府都事次守維陰陽  
訓術張氏出女子四人長適王簿孫相次適叅政張子  
立次適庠生張承裕閻夫人出次適郭永嘉張出孫男  
三人允謙爲後守全撫謙師謙孫女五公孝奉二親比  
秦夫人卒事吳夫人不少懈撫愛諸弟爲營第宅以居  
介潔尚氣節防吟翼如皁白不藥毫髮宦轍所至必著  
愛徵比去民必欲太祠以報公咸止之而至于今綴思  
不忘猶夫俎豆之也流覽古今讐史考經嘗推訂左氏

公穀異同咸一家言所著有奏議十卷海山集若干卷  
宦轍聯句一卷藏於家守經將以

年 月

日葬公之原先期走京師持張叅政所爲狀謁予  
銘墓予昔提學湖南於公同寅雅相善公入朝予退而  
家食時時見推轡而叅政君稟學錫館嘗按吾浙有聲  
皆公之遺也銘則非予誰宜爲銘曰

東溟浩洋涵秀靈泰岱蒼蒼摩紫冥公於其間真挺  
生庭趨鯉對窮鱗經畛域自辦秤量平符章所至稱  
神明展也祖武繩鄧陵騶車邊塞昂庶樛憮覽側目  
伏以偵公蒙大難朝紳驚

武皇震赫如龍靈狼狐碎礫無餘腥公起秉憲梁後荆  
江漢直接巴渝清秦關一鼓殲醜魑魍湫成枯瘠轉豐  
登晉陟八座專兵刑英猷淑問光中興平生雅量紆  
風情歸休林壑勝蓬瀛沒也瀛洲仙子迦

明故通議大夫都察院右副都御史致仕夏公  
合葬墓誌銘

公諱從壽字如山別號裕軒其先汴人宋南渡諱曼者  
來居江陰之晉禮里以文學行誼世其家十傳而爲公  
曾祖昱號怡靜祖璪號小靜父傳號訥菴皆隱其德訥  
菴以公貴封承德卽工部正事贈奉直大夫戶部員外

郎毋包氏累封太宜人公蚤慧好學長以文鳴郡膠弘  
治癸丑西涯李文正公主會試置公魁選梓其文乙卯  
授工部都水正事視事分徐州洪減役裁費廉能輒聞  
秩滿改戶部四川司陞山東司員外郎湖廣司郎中兼  
司醴政有富商賄結巨璫詐言戚化間嘗輸粟五萬中  
鹽河東久未文部屬公往覈同官以爲難公曰有謂有  
無謂無何難之有直發其奸其人雖蒙恕有事亦竟寢  
承

勅理山東河南屯田事方就緒以外艱去時爲大司徒  
者山東人也家所侵屯田被籍入官遂劾公不請代擅

歸公抗章自辯朝論黷之正德丁卯起復避逆瑾難移  
疾歸旣而聞縉紳在告者多被羅織則強起鄉人有出  
瑾門下者要重賂曰可得美遷公笑拒之遂落職作樂  
閒園集賓朋觴詠其中陶陶然樂也庚午瑾誅復除戶  
部廣西司時九峯孫公爲尚書諸司章奏事疑且難者  
多屬之癸酉擢湖廣布政參議丙子冬考績便道歸省  
遭喪再疏乞終養不允戊寅陞右參政寶慶守縱二吏  
出入爲奸守於公舊僚陰爲祈免公卒置之汰守以劾  
去榮府歲以清明上隴往返信宿費恒不貲公稱  
制親王不許出郭檄郡行長史司竟尼之

武廟親征寧藩楚隣壤也錦衣官校搜捕逋逃者皆至  
公方攝篆常從容應之時賊彬張甚橫索無厭公爭之  
力底扞爲多辛巳擢福建布政使明年嘉靖改元轉左  
海船踰制巡海者欲沒入之公曰海鄉以船爲業奪之  
是驅之爲盜耳已而失船者果皆入海暴亂公榜招之  
乃首服時

詔赦民田租之半計閩中當缺軍餉數月公請留歲解  
銀十萬兩以充懇疏至再乃得請時有沙姓者爲廉憲  
閩人謠曰地暑偏宜夏布風寒共怨紗簾臺諫遂據爲  
舉劾焉癸未丁太宜人憂服闋復除河南左轄至則疏

滯釋寬民德之如閩中云丁亥擢都察院右副都御史  
撫治鄭陽擒巨猾戢區訟卹貧安富四境帖然然以執  
法不阿爲友人所忤嫉得

命歸聽別用乃卽黃壘新第荆涉廼園布十景詠而樂  
之年踰七十於所居東營歸金宅命其子勿乞身後恩  
又於宅左構東臯書院屢疏乞致仕未允至是力請得  
旨進階致仕公氣仁善色養每夕率諸兒至親側作嬰  
兒態相嬉戲以悅其心未成童攜其弟游學舅氏撫之  
如乳嫗狀及長悉以家貲委之不問出入其沒也教育  
其子均於巳子先隴隙地十餘畝掌於宗系家破歲苦

通稅公收之已籍人曰如子孫何曰使吾子孫繁衍更數世後人各分毫耳卒收之親亡終其身生日不爲樂周貧卹喪寬減佃民課稅曰身旣貴而家欲巨富徒爲造物所忌耳坦易和煦雖涇渭中烟而渾然不見町畦客至款款吐衷曲兼以詩文觴奕爲娛所著有裕軒稿若干卷配周氏封安人宋相益公之後高祖自常之無錫來贅於夏遂與公同里安人年十八歸公孝敬勤勵家政斬斬賓祭所需親必躬治之無不立辦生子禎游邑庠早世安人哀傷遂得疾每謂公宜爲廣胤嗣計乃娶徐氏公生天順七年閏七月十五日卒嘉靖丁酉十

一月二十九日享年七十有三安人生天順甲申六月十八日卒正德戊辰七月初一日年四十有五子禎娶王氏旌表貞節次祐太學生側室王氏出娶趙氏孫男四霖霖俱太學生餘尚幼曾孫男三旭暄其一未名女一徐出適華子信孫女二曾孫女一公以己巳十月葬安人范莊先塋之次公沒

上賜祭命有司營葬域霖將以癸卯 月 日遷安人柩合葬黃墅之新阡先期述行實走京師謁予銘予昔與公同官湖南雅相知雖設施未竟然進退不疚優游怡愉眉壽考終可謂備福霖於先祖有善而克知以傳

又可謂有後矣銘曰

孺樂維親嫗煦維弟率時性真所之咸惠利方斲觚  
中分皁白支頽釋紛節介誰易翼翼臺憲荆洛具依  
頌聲載起遽拂其衣人曰公歸有伎而甚公曰德  
我俾我休憇樂聞涉趣有來賓朋以觴以詠百慮空  
澄淑配中違公詞孔悲於昭閭範懿古之遺菴歷三  
紀復茲偕處太史勒銘永奠黃壑

明故都察院右副都御史巡撫河南傅公墓誌  
銘

傅氏漢北地義陽侯介子之後也家遼東之蓋州莫知

始所從徙其始爲廣寧人者則公之高祖諱恭讓也恭讓生旺旺生祥祥生景景娶唐氏唐氏爲置貳室孫氏公所自出也公諱鎰字希準號凌川舉正德辛未進士召試授禮科給事中屢言當世大計其最著者論邊事一疏大指言今法邊將臨敵亡卒十人以上以坐其將將畏坐率不敢見虜虜無所畏得以暴苦邊民宜制自今虜入境能格虜者雖亡卒十人以上勿問有功者仍錄之其不敢見虜者卽不亡一人罪不宥

上是其議著爲令遭母唐氏喪解職乙亥復除禮科秩滿贈父階徵仕郎如公母唐孺人已卯遷工科右給事

中尋陞太平知府選子弟聰穎者延師教之暇則躬校  
文藝太平由是科不乏人俗好賽神費每不貲公諭禁  
遂止大旱禱雨輒應隣郡有大獄不決公治之大辦在  
郡日久絲粟無所私庾庫充羨會歲饑盡發之復以餘  
粟爲粥於野振旁郡之流携入境者所全活甚衆秩滿  
贈父階中憲大夫官如公母唐進恭人時撫臣及部使  
者以公才賢薦剡上以十數拜浙江按察司副使巡視  
海道公固遼東人習見海自乘巨艫操弓矢出入風濤  
中無險不至其修置戰舶收給月糧之法浙東至于今  
行之以母孫氏喪解職壬辰起復授河南副使專備信

陽威惠懋著拜山西按察使有富民坐殺人當死獄威  
矣復以貨免公收鞠之竟寘于法縣令王簿有能守官  
箴祇以忤當道意爲奸人所搆者事下按察司或謂公  
宜有所瞻顧公曰陷人以悅人吾不爲也竟白之遷四  
川右布政使未行而以巡撫王都御史昏夜誤杖宗室  
子事連罪左授河南叅議遷河南副使遷江西叅政行  
之日軍民數千人遮留時

九廟成覃恩贈公祖考及考並中大夫江西左叅政祖  
妣及妣並淑人遷福建右布政使尋復轉河南左布政  
使軍民聞公復至額手胥慶會巡撫都御史缺廷議以

河南荐罹大災非公不可

上遂以畀公軍民乃益大喜然公自爲江西時以夏日  
觸暑救荒陝饑山谷感疾至是疾日益增以新受命未  
敢輒言去且其時河南人饑死者殆半而當輸粟三十  
萬石公見疏乞蠲贖一夕疏成而疾遂篤竟以不起  
天子感公言切特貸河南粟三之一其二許民出銀以  
代粟河南相與哭顙赴公之喪曰我乃從公得活而公  
顧死邪庚子三月三日也計聞

上命賜祭葬公少孤孝養其母及生母居喪哀毀踰禮  
平生不見疾言遽色與人交溫厚樂易至於利誘勢怵

則屹然山岳不可動也生咸化壬寅九月五日享年五十有九娶宋氏封孺人贈恭人又贈淑人生子偉繼娶畢氏封恭人又封淑人備衛學生側室張氏生子佃女四人長適廣寧右衛指揮葉大亨之子鳳儀次適義州前衛指揮錢鏜之子

餘幼未聘皆畢出孫男廷是

偉出也偉等將以卒之又明年壬寅二月十六日葬公于

乃持河南參政王君慎中所爲狀

馳數百里踵門請予銘予旣與公同朝而巡海政績又目擊焉蓋知公不爲不深爲之銘曰

臨間之西海鎮鍾靈漸涵磅礴公乃挺生始大諫垣

諤諤有聲籌邊一疏不刊典刑分符太平政教兼施  
救災卹患生我黔黎浙東洛南水陸異宜督兵其間  
外內靖綏敷歷多方在在威德三任中州汪濊其澤  
爰陟中丞洛土咸懌不弔昊天奪公胡亟公貌如心  
溫平春陽臨事應物屹乎臣防休未償德聞訃盡傷  
勅葬佳城永貴遼陽

明故工部右侍郎李公墓誌銘

公姓李氏諱堂字時升別號重山宋丞相昉之後七世  
祖翼南渡時仕慶元郡因占籍於鄭居郡城之孝文坊  
翼生成成生惠惠生泰初以千山如貴贈兵部武選司

負外郎次泰寧公魯祖也祖諱伯儒考諱鼎號葵軒俱  
用公貴贈工部右侍郎祖妣蕭氏妣沈氏俱太淑人天  
順壬午六月葵軒公感夢夫人抱送之祥生公孩提即  
穎異八歲日記數千言屬對敏給竦震座客甫成童提  
學胡公榮試其文大奇之即廩于郡庠成化癸卯中鄉  
試丁未會試廷對皆入高選展省東歸葵軒公忽疽發  
背公為吮之弗瘥太淑人相繼考終哀毀幾不能生終  
制久之始謁選授工部屯田司主事尚書東廐賈公一  
見語合選差監稅竹木於蕪湖中官宋昂怙巨璫李廣  
張甚沮遏商人公謂漸不可長乃減商稅嚴計簿不貸

緣髮宋蠹獵無地嚼之然自是不復命中官矣陞營繕  
司員外郎賈公以司事雖劇非關體要奏調屯田司至  
則集諸題稿議免取畫士及銅鼓人匠葺南京蘆洲積  
弊禁易州厰科罰定順天府功臣太監墳夫減惜新司  
顧役後府柴炭等直添差科道官監收巾帽局皮張咸  
為著令然大拂權倖衆方危之迄守正不動陞營繕司  
郎中適

清寧宮災承

勅營繕請發內帑免徵天下以蘇民困答天戒群議工  
費既有成數公抗言減什之五比工成猶贏其什之三

馬府提督英國張公懋兵部尚書馬公文升工部尚書  
徐公貫等既蒙

廕賞則聯章保公廉勤精敏翊扶

聖孝宜膺殊賞有

旨陞京職二級公三疏辭免

上見其誠懇從之仍陞俸二級明年

勅建禮部與修闕里費皆取諸夙羨民用不擾沮兵部  
之請罷築京師外城停南京內府不急工役召還燒造  
饒器內臣痛抑寧藩濫請且議霸州葦地征租太重元  
霄燈火糜費太濫皆切中時宜公私賴之吏部尚書倪

文毅公剡薦太常寺少卿時論稱愜黃冠者竟沮止之  
尋陞應天府丞給事中趙欽罪干重典淹禁屢歲公片  
言獄成遠近快焉歲饑盜發訛言沸騰幾激大變公單  
騎諭衆禍福咸感泣歸附乃命執其渠魁以殉脅從者  
慰遣歸農四境帖然正德丁卯南畿大比有賄通關節  
規取高第者公職提調指斥之物議乃息陞南京光祿  
寺卿未幾改南京都察院左僉都御史提督操江會工  
部缺右侍郎時柄移多門工役繁興朝議以節量裁抑  
非公不可

上因以命公督脩京倉事竣汴徐河患告急

勅無左僉都御史總督修濬乃築長堤自大名至于沛  
縣䟽通壅閼自榮澤至于永城既有次業而兵荒游作  
言官乞暫還公以寬財力

詔可之瀕行會計河南工費凡二千兩其山東存積并  
追完各處缺工之數共五萬兩有奇簿正貯庫以防侵  
漁而鎮守河南太監廖堂弟廖紀以公隄遏之嚴心懷  
忮恚會當道亦不悅于公而李尚書燧又迎合廖意朋  
計下石遂謝病以歸

乾清宮災朝議起之不果家居十餘年閉門纂述有正  
學類編十五卷四明文獻志十卷梓行於時重山遺稿

十五卷配楊氏累贈淑人嗣配林氏封安人宜人贈淑人子男三長惟孝敏博詳慎登鄉進士次惟學游郡庠有聲庶惟存孫男七承憲承宣承嗣承訓承案承詔承家文二文端適董沾監察御史諱鑰之子文莊適郡庠生張邦竑子從父弟也孫女一順靜公與伯兄怡稼翁友愛甚篤翁子正術惟翰病卒無子公命孫承嗣後之痛季弟常早世遺孤惟城業儒未第及易簣猶顧謂曰愛莫助之柰何因哽咽不能已公早歲奮庸猷畧日著中遇否臧不能與時翫骸炳幾勇退弗大究厥施而寓諸紀述亦足以勵俗裨世母曰吾十五而學爲仕其學

皮膚耳三十仕而學其學土苴耳四十乞身五十得請  
尚冀由史而經卽事求道析疑衍義以俟後之人邦奇  
謗陋誤承知愛嘗僭序所爲文獻志及題手稿間示予  
微意若將以後屬者時公筋力堅完方意復用而遽及  
於此悞不知所對曾未幾何而果爲公銘墓也嗚呼傷  
哉遺命治喪從儉勿祈恩典生 卒嘉靖甲申三月

晦日年六十有三惟孝昆弟將以卒之明年十有一月  
六日啓楊林二淑人之窆合葬焉奉其伯父廣西布政  
使心齋先生所爲狀泣而以銘請且述公素意乃弗敢  
辭原曰清道鄉在城南祖塋西卽公所題堇山樂丘者

側室孫氏王氏各有出處墓下方以俟心齋公與公同  
祖且學同志官同朝文行名蹟相望列狀為詳予生後  
叙其畧云銘曰

少也騰聲長而奮翼歷試冬官英猷敏識

清寧告災宸衷孔棘公執其庸視簡于劇適觀厥成  
神哉措畫僉告

天子褒賞宜特

天子曰俞朕心允懌燕及

慈闈嘉乃休績乃命超遷公辭益力曰維庶勤臣子之  
職敢濫恩私以滋譴慙勞謙彌光稱譽孔籍京兆中

丞卿佐爰陟敷貴旣劬旣庄旣敷室罅隄奔極于織  
悉豈彼脂膏利疚威惕慙嫫群興相憊下石公炳幾  
先超然屏迹服政之年歛厥餘力以慕以述以寫胸  
臆曰于斯民進退維益身後之恩遺言勿乞維天益  
譙理豈終蝕觀公後人為主為壁償所弗贏尚其有  
日

張文定公靡悔軒集卷之五

有子之身也車也才者

十

張文定公靡悔軒集卷之六

墓誌銘 十三首

明故嘉議大夫都察院右副都御史雙溪杭公

墓誌銘

公諱淮字東卿別號雙溪其先中州人亢氏避亂居杭  
易今姓後徙義興東霞埠由漢泰山都尉徐若千傳至  
宗三定居今之百瀆里是爲公高祖生邦愷邦愷生徵  
徵生倫號省齋皆隱其德省齋配王氏子六人長濟仕  
至福建右布政使號澤西次卽公省齋初用濟貴封吏  
部稽勲清吏司主事配王贈太安人公少稟學澤西已

乃並名庠校嘗臺試首澤西公得第二時稱二難弘治  
乙卯領鄉薦己未登進士授刑部山西司主事同官當  
慮囚淮陽以子疹竊難之公毅然代行合數郡纔戮一  
人餘多平反秩滿陞本部廣西司員外郎尋陞浙江按  
察司僉事櫛戶持例金若干緡進公斥之出捐俸即孤  
山林和靖墓建放鶴亭手書碑記封表遺逸陞本司副  
使

勅理戎伍勾稽有方間閑無擾者正德庚午進

萬壽表當還忽心動取道省省齋翁不五日翁微疾卒  
人謂公孝感云服闋改山東副使尋改提學雲南嚴矩

範勤誨勵士習爲變總戎沐府秋祀左右轄以

朝命例主奠三司合獻成禮厥明嗣勲廟享請陪祀公

曰昨

命祀當往今謂之何遂已

國初吳雲王禕死事雲南事久湮沒公爲倡二忠祠秩  
之祀典陞湖廣按察使廉明仁武有怙勢賂敗者摘治  
不納間請言官條公執法不撓宜大用巡撫廉捕曖昧  
百人杖瀕死落獄公惻然曰豈盡得情耶徐訊辨宥釋  
之陞山東右布政使逾歲陞南京太僕寺卿公稽閣馬  
政以其暇吟諷山水滌人擬之歐陽公陞都察院右副

都御史奉

勅總督南京糧儲公繕倉庾敷上供度軍餉飭官攢約  
期注謹會要稽乾沒常靖恭持大體而當道方尚刻摘  
紛更米鹽瑣屑謂公文名有餘政聲未著勒回籍聽簡  
用公浩然下荆溪日與澤西公及叔季瀾濂洵奉吟染  
眺覽晦迹十年吏部會推者六終弗起臺諫交章論薦  
疾革之歲猶疏名柄用益繫天下望如此公孝友愷悌  
介直敦純而冲曠飄洒不淄纖芥宗黨貧者月給若干  
米無棺殮嫁娶者注給若干緡大宗約月高會以禮義  
相勗厲育從姪遺女令獲所歸訟歸從姪幼鞠異姓者

得不漏譜不通刺公府宗姻註誤懼傷咎輒復極援焉  
公書無不讀詩章翰墨雄視一時所著雙溪集藏於家  
嘉靖十七年九月十八日卒

上聞賜祭葬念公德勲視恒數有加焉生天順六年正  
月十四日享年七十有七配潘氏封安人子一奎浙江  
布政司都事娶王氏女適文靖公孫太學生徐文煥孫  
男四士鏞邑庠生娶太子太保南京兵部尚書鳳山秦  
公孫女次士銘餘幼孫女一曾孫女四奎將以

年 月 日葬於鳳凰山新阡先期撰書幣走使京師  
以鳳山公所爲狀問銘於予予雅慕公名德在銓部嘗

一再推弗果用旣愧且恨而鳳山公狀且詳雅足垂不朽矣顧謏陋何敢復銘緘數月奎書再至益懇謹據狀爲序而系以銘銘曰

公昔層霄傳七襄衣被雲錦揚瓊芳武接伯氏聲琅琅剗割盤錯分毫芒西湖鑑淨孤山蒼放鶴亭新遺墨香冰霜凌厲雨澤滂清華遠被滇之陽手持三尺澂湖湘魑魅竄伏蛇蛟藏滁流可浣復可觴醉翁重到山增昂留臺風裁貞激揚老成襟度海莫量肯與孺子相矜攘一下荆溪雲水鄉不顧薦剡頻騰驤鳳凰山高溪水長千古清風殊未央

明故南京守備司禮等監太監潘公墓誌銘

今天子嗣大歷服建極自躬端則自宮掖一時監卿寺  
伯任職授祿率惟其人予昔仕南京見呂公憲晏公宏  
實爲守備以清德雅操得軍民心越十餘歲予承乏叅  
贊再入南京則潘公蕭公克循前軌民士感頌不異疇  
昔予方自慶謂得相寅協共翊

隆平之治曾未數月而二公相繼捐館嗚呼惜哉潘公  
諱真字克誠別號實菴湖廣會同人父諱全輔母朱氏  
公髫齡選入掖庭以專懋稱成童侍

憲廟給事

軫清宮弘治間歷陞至太監管御馬監事正德丙寅署  
丙字庫事戊辰

勅監督臨清倉儲戊寅承

勅提督太岳太和山兼分守荆湖陝洛三邊地方嘉靖  
甲申被

簡命鎮守湖南至則易直以交諸司寬慈以御庶姓彌  
盜賑饑荆邦賴之督修

顯陵大工告成民不知擾辛卯召還京中途以疾告得  
旨就南京調治甲午

命守備南京改掌內官監尋改掌司禮監守備如故

益感

恩遇篤意綏懷質任恬泊不喜華縉事存大體不屑爲苛細性坦蕩無畛域然不取一毫於分之外惴惴無外飾而於故與時宜能言其肯綮平居若無所事事而陵廟垣墉汛除修繕與凡

內府工作京畿水陸備禦之具罔不飭治九載之間都廬靖謐關河晏清歸公德焉嘉靖癸卯八月初十日卒于位距生成化丙戌三月初三日戌時享年七十有八從子四人永福先卒永壽永康永寧皆兄阿保嫂卜氏出也從孫六人子卿子相俱國子生子隆子興子臣子

俊俱幼是年九月 日永寧等葬公于京城西安德鄉  
許家山之陽先期奉司禮太監何公所爲狀以墓銘請  
予以冗未克成後數月工部尚書南山胡公復爲速銘  
銘曰

皇德之隆謹在贊御箴儆自中封培必豫泄邇啓寵有  
處非據恣厥助勦民乃凋瘵公生魁碩軒豁慈恕出  
守荆湖柔綏簡御

天子曰嘉爰陟留寄以輯以懷以嫗以煦以奠南邦人  
慕且孺相昔宜昏作威倚勢翕翹幾何倏爾顛躓公  
起髻髻大耄在位蟒玉輝華

四朝恩遇胡福考終榮名靡既天道神明式彰厥類太史勒辭昭示來世

封一品夫人屠母牛氏墓誌銘

嘉靖壬寅冬十一月九日封一品夫人牛氏卒其子雲南參政應坤春坊右諭德應垓將以明年癸卯冬十月二日遵

詔命啓其先公太子太保刑部尚書贈太保謚康僖屠公之兆奉夫人柩合葬焉應垓乃追述懿淑問銘於邦奇謹按狀夫人姓牛氏牛氏處州貴族也五世爲將軍望于浙東而治家習有禮法兄弟同居躋百三十年父

洪官都指揮累贈光祿大夫娶餘杭鄒氏爲尚書文敏公  
女孫康靖公元女鄒夫人生二子一女長桓都督同知次  
模女卽夫人夫人生而哲靈長益端淑知讀書通大義  
先祿公音愛之年二十未輕字也時康僖公官刑部右  
侍郎喪其夫人林氏會奉使便道歸謀可以嗣室者聞  
夫人賢聘焉夫人年二十三歸康僖公時公母陸太夫  
人猶在養也夫人日夕侍得其歡康僖公比已舉二子  
應埴應坤旣又舉二子應圻應坊旣夫人乃生應埈及  
側室子應埏夫人煦煦携貺均若已子公尋丁太夫人  
艱眼闕起右副都御史復左侍郎九載秩滿晉右副都

御史陟尚書夫人隨居京師者十餘年公卿大夫有過  
公者見內外斬然庭虛無人以謂公弗携有內也賓旣  
留簋簋徹核若宿營然始知公之有大賢內矣公累官  
皆汰曹每大獄當決中夜悵悵思不釋遇平反卽喜夫  
人賀曰余幸獲事公嘗執庖爨親宰割雖微物必囁囁  
痛死而況人乎公審獄獄必平敢賀正德初劉瑾竊柄  
浮競之士爭趨之公憂憤廢食寢一日焚香具疏草夫  
人見之曰此非會乞歸疏哉力爲贊決公感動再疏解  
政至瑾勢益振大臣少忤意輒構竒罪比瑾敗諸附瑾  
者咸獲朝譴去而公得超然無累家居十餘年凡內政

悉委夫人夫人綜理周悉輒當公意及公有疾有羨財  
未析者欲盡貽夫人夫人流涕固辭悉與諸子均之居  
公喪衣疏糜飲日焚香處一室足不踰閭惟日暮責官  
君力學官諭舉丙戌進士改翰林院庶吉士迎夫人  
就養戊子遷刑部主事承

命典江西文衡便道奉夫人歸竣事留其室侍夫人居  
獨返就職癸巳改翰林修撰舉例乞歸省丙申進侍讀  
會

皇太子生

詔使河南諸藩復假道歸省巳亥進右諭德以病乞歸

時諸子存者惟大叅及宮諭而宮諭又疾甚幾殆夫人  
每鬱鬱不懌明年夏寢脾疾幾半歲忽一日出兩手脉  
自眇顧宮諭曰余脉若是余固弗起矣然余自少荏弱  
僅能自慎壽近七袞以天年從爾父于地下余足矣乃  
急召坤及垓諄諄誨諭戒作佛事且令保身以慰親出  
所御簪珥悉與諸侍者少長咸有等曰他日必以此念  
我母相忘也言畢遂瞑夫人夫性篤厚樂生哭死靡不  
盡誠尊老慈幼無間貴賤遇諸子愛而不溺御僕媵嚴  
而弗苛撫諸婢如母子視介婦如姊妹予諒寬易了無  
忤忌自奉善貶損漸衣皂綈食不兼味日課家人紡績

底勤率下雖養畜必親視靳靳菽粟不妄與至賑賑貧  
乏多寡無吝有所請貸終身不責償宗姻間黨賴以舉  
火者歲凡數家以故人皆懷夫人恩卽寒暑之疾無不  
以其私奔走道路籲呼請代問卜筮者相及也夫人事  
康僖公能記憶先朝故實嘗謂官諭曰汝識之孝廟時  
后家與河間民訟田也勅而父與高都御史者往勘而  
令中官劉輔與偕汝父廉得其情抵后家張喜等罪田  
歸民輔入報

帝后方會膳

后怒罷去

帝亦怒讓輔不已汝父懼且得罪明日

帝召輔曰昨汝入報吾以后故亦怒外臣聞之將恐懼  
無肯任事者于是大賜汝父白金文綺下令諭勞汝父  
言之未嘗不蘇蘇泣也凡以誨宮諭著此類者蓋不能  
盡述云距生成化乙未春秋六十有八生時有日者過  
之賀曰金木相維公侯之妃是與兄皆當貴夫人兩封  
至一品兄桓列上將階柱國文武並耀極一時之榮焉  
子六人應埴湖廣副使娶李氏繼錢氏應坤卽大叅娶  
陸氏應圻娶張氏應坊娶王氏應垓卽宮諭娶項氏應  
埏娶吳氏圻坊埏俱國子生女三人孫男十有六人鉤

錢鑄玄錢鏈仲律仲行鈿銳餘尚少孫女十有三人曾  
孫男八人曾孫女六人邦奇始入

朝承康僖公接引既復與憲副君兄弟者友也而官諭  
尤辱以同僚相愛厚其所著狀平日益雅聞之銘奚敢  
辭銘曰

名宗系慶孕爲哲靈愆期獲配茂發其禎寅恭靖肅  
以緯以經戶庭若虛尊簋常盈桂玉森森視之維一  
猗與康僖罔慮家室天植仁慈性蠲伎嫉哀及鷄豚  
以贊欽恆欽恆維誠以洽好生兆姓無冤

邦家勃興

天子曰嘉有相厥成載晉等秩躋于極榮遺金弗私故  
典服膺以訓翼子先軌是繩鄂陽之原永合佳城金  
木相維於昭列星

明故月江陳處士暨配孫孺人合墓墓誌銘

嘉靖戊子冬十有二月二十日陳助教瑞母孺人孫卒  
于南京國子之官舍將扶柩歸其鄉以明年二月十六  
日啓其先君月江處士墳合葬於柴溝之原奉僚友劉  
允卿所爲狀泣拜請予銘瑞孝謹端雅對諸生講論義  
理敷暢昭晰而音讀清潤予方賴其翊予教也而遽以  
憂去亦旣惕于心矣翌日其諸同僚復相與合詞爲請

乃叙而銘之陳氏之先浙之定海人

國初以戎籍隸京衛遂家江浦數傳至彥斌彥斌生貴  
貴生紀字大用別號月江卽處士也處士質直忠亮不  
設藩屏而沉厚簡默不以逆順泄愠喜與人居解紛息  
爭不以疎昵淆枉直族子貧不能娶爲之經紀其費竟  
室之周匱振窮汲汲如不及私橐無宿贏焉尚賢好德  
出自悃誠卞吏部華伯有詩名越數百里造其廬歡叙  
盡日乃返僧道巫覡雖同里巷未嘗通往來也瑞學有  
端緒一爲色喜謂曰惟詩書不負人爾其懋哉弘治戊  
申九月十六日卒距其生正統壬戌二月一日得年四

十有七蓋自是家業日凋耗厥配孺人孫出自冠族人  
視之若將不堪而能茹辛服勤事舅姑奉蒸嘗畢昏嫁  
睦宗姻御僮僕咸適於禮 傾奩資貲其子使得壹意  
於學辛酉秋瑞領薦 至喜曰庶其慰先志矣乎  
正德戊辰春瑞就教洎川秩滿改閩孺人咸就養焉朝  
夕誨曰嘗聞汝父謂儒官以人師爲上經師次之汝其  
念哉瑞用是所至恪恭克著賢譽觀風者屢見褒賞進  
國子助教以便養疏乞改南京孺人居南京四年甚康  
適忽一日疾作謂其子曰吾年臨大耋享汝祿養不爲  
不久矣卽不幸違世固將含笑見汝父於地下病九日

而瞑距生正統癸亥九月二十七日年八十六子男三  
長璽少璋俱早世瑞其中子也女二適李某劉某孫男  
六誥訓俱卒諫欽試表孫女五曾孫男女各二銘曰  
邇彼月江其流孔澄我懷伊人於焉濯纓身也弗顯  
善亦以名筭也弗遐視子于成柔嘉靖則孺人式承  
百爾勛勤以踐光亨越歲四十循此佳城垂實無極  
太史有銘

明故通議大夫工部右侍郎復齋徐公墓誌銘  
公姓徐氏諱讚字朝儀別號復齋其先中山安喜人元  
時諱德廉嘗以功授永康尹擢知婺州路未至官會流

賊犯縣帥衆禦之力竭遇害塋縣治花園山之原子孫  
依焉傳五世諱朗者公大父也父諱憲游邑庠有時譽  
公年十六遭父喪太淑人程深憂之公日益淬礪奉慈  
訓勤苦績學服闋補縣學生從從父少參公沂受尚書  
母舅憲副程公瑞卿時左右之學用大成弘治辛酉舉  
于鄉乙丑登進士時修

孝廟實錄命公采輯于南畿丁卯復

命授棗強知縣流賊劉六等長驅焚劫棗強獨宿戒豫  
備賊遂巡避去已而大饑公捐俸爲粥立法分飼富民  
感激出粟相繼肉骨萬餘庚午擢監察御史破例免試

職以優異之比之京士民泣送填道旣復相與立祠祠之明年承

勅巡視京城錮擊豪右若干人明年承

勅巡盧溝權稅又明年承

勅巡鹽長蘆兼巡視河道時劉賊遺黨楊虎等流劫開濟熾甚公計擒之械送京師

武廟嘉悅錫之金幣甲戌承

勅巡按江西時宸濠蓄逆潛結湖中臣寇徐九齡等數百人公至悉擒之剪其羽翼疏聞

賜璽書獎勵陞俸一級九江諸郡存罹兵荒民困特甚

疏請寬逋負罷徵役釋冤平獄風采翼然丙子擢蘇州府知府抑奢麗剔弊蠹課才惠民百務釐舉嘗橫被誣抑恬不爲動人以爲難丁丑入覲吏部考最先是爲御史旣三載以將命江西不及考績未獲霑

恩數至是陳情得進階文林郎贈父監察御史封母太孺人配黃孺人比還郡大水疏請賑貸民以不殍已卯宸濠煽變公治兵給餉遣戰艦數百應援會

大駕南征遠近震騷獨蘇郡恃公不擾辛巳

今天子踐祚擢河南布政司左參政仍掌府事白茆港之後撫臣李公充嗣薦公自代不允遂以委公費省而

功鉅公之力也

上特降旨嘉勞嘉靖壬午擢江西布政司左參政甲申  
擢貴州按察使尋改湖廣丙戌改雲南丁亥冬土舍安  
銓叛公調兵裹糧登城徇師至廢食寢造旗千餘書同  
心協力各保身家八字令各聚執聽撫以陰誘其脅從  
之黨賊勢遂衰時沍寒民多凍餒公請撫臣大發倉廩  
全活無筭戊子春土舍鳳朝文繼叛與安銓合進圍省  
城將肆焚戮上下震恐公登埤呼寇諭以  
朝廷威德寇皆伏地曰不敢有他但欲平爭鬪耳公權  
辭許之令退舍候命寇既退卽走使各哨亟集諸軍合

擊俘獲萬餘計擒渠魁審簡脅從悉爲開釋民德之家  
爲大祠巡撫歐陽公重疏公勲能擢本藩右布政使未  
幾轉左布政使公念太淑人壽躋八十疏乞終養卽日  
棄官東還撫按交章保留陞都察院右副都御史撫治  
鄖陽

璽書及門公猶欲辭太淑人以大義勗之乃行尋承

勅改撫河南值歲饑盜起條陳救荒三事一曰寬賦歛  
以安人心二曰廣賑卹以救民命三曰嚴備禦以懾強  
梁

上嘉納焉又陳四事一曰處歲派以資歲用二曰均地

張子安公集卷之六  
糧以蘇民困三日移水次以便兌運四日處馬政以節民力庚寅夏懷慶府麥秀四岐以聞

上嘉悅溫旨褒答賚以金幣辛卯

郊祀禮成推恩進階通議大夫贈祖考皆如其官祖母顏淑人封母太淑人配淑人夏旱疏請蠲夏稅在洛中救荒卹災先後疏凡百上洛土賴之所論薦皆一時名士士論稱服陞工部右侍郎承

勅督造

仁壽宮壬辰春承

勅勘事山西事竣聞太淑人訃哀毀幾絕

上賜祭葬如制公耆年居喪慟必移時積以成疾癸巳  
二月疾且革親友咸戚咨咎公過哀公怡然曰數也豈  
誠哀毀致哉諸子請禱弗許越三月二十日扶疾書遺  
訓惟忠孝是屬墳之雷雨大作卒于正寢先是空中有  
火如虹落廳事前人方戒火孰知爲公殞世也

上聞賜祭葬焉公生成化壬辰十二月初四日享年六  
十有二子男四俱邑庠生文璧娶訓導應璋女早卒文  
璧娶典膳應琦女繼娶通判趙懋德女文璿娶主簿盧  
默女女二適典膳葉南琛適周希早卒孫男六師臯師  
稷師瓊師周師召師呂孫女三公方面美髯偉然山大

望而知其德福人也事太淑人敬愛天至室諸弟又立  
之孟誼醫學訓科仲諤輸粟授官季訪國子生修譜牒  
聯屬宗姓其篤厚如此遇人冲夷和粹不喜諸諠惟恒  
持敬畏不少忽平生所賜卹甚多未嘗自德有犯未嘗  
與較人無賢不肖稱公雅量無間言善爲文多不留稿  
今所存奏議八卷藏于家沒之日識與不識皆爲流涕  
父老諸生又相率請于憲學列公鄉賢祠云文璽等將  
以明年甲午 日葬 山之原乃令文璽持公內  
弟前翰林編脩程舜敷所爲狀走京師謁予銘予與公  
兩同舉辱交好餘三十年雅知公舜敷卽憲副公子狀

又實也乃據其畧叙之而系以銘曰

德貴自天根深以堅敷張裕茂異彼勉然孝敬弘厚  
維公性成率而行之寵辱不驚隨厥攸居膏潤優渥  
爲

國祈命爲民作福鍾惡遂良化凶爲豐本立自我出之  
雍容邁則裔夷近而閭里紀功維碑報德維祀胡不  
愬遺耆年輒止歛厥羸餘詒于孫子

明故武德將軍錦衣衛正千戶蘭墩楊君墓誌  
銘

君諱瑾字奇玉別號蘭墩其先湖廣隨州人曾祖沘旺

從戎鎮南調遼陽祖貴代役以功陞錦衣衛百戶因家  
京師伯父芳從征海西有功陞本衛正千戶父茂隱德  
不仕母侯氏太子少保南京兵部尚書瓚女弟也妊君  
十有五月而生君穎敏好讀書游京庠有名屢試弗售  
伯父年老無嗣乃以倫次襲職會

孝廟出閣講學例選錦衣莊重老成者侍衛君首與焉  
暨

孝廟臨御改內府御藥房供事歷官三十年浹恭朝夕  
罔有懈意早失怙恃事伯父母繼母庶母克盡孝敬撫  
愛庶母弟妹終始不衰弟瑜性傲君友于益篤瑜亦感

賊功

上降勅獎勵有體國愛民不負委託之語仍歲加祿米十二石在汴八年以足疾乞休者三而撫巡相繼保留至于六七大意謂公清節懿行迥出時輩而經緯區畫動中事宜雖老師宿儒不能過章每上

上輒溫旨留之已丑又辭始獲

允而言官復交章薦之以爲可大任

上復命守備留都懇辭不許遂力疾受

命至則罷私門之役禮縉紳剔奸蠹戢臺隸都人感悅

庚寅疾篤復辭

上不許會守備太監賴以解任回京乃

命公掌符驗閔防將專任之而公已卒矣嘉靖辛卯正月十日也距生天順戊寅十一月三十日壽七十有四公明哲英毅而渾和不露其補內員也在成化丁酉而由內官監出典福建市舶也在正德己巳去閩之日父老遮道請公靴留之公不可衆汰以請堅却之或曰請可僞汰不可僞也乃許之在太嶽時念貂璫之飾非事神所宜以祭服請

上嘉之詔尚方製而給焉去汴盡籍幕府供具以還有司上民垂汰適留不忍舍乃乞公像爲生祠誠心素節

所在感孚晚遭

明聖寵遇日隆而人無間言平生事親孝御下嚴處兄弟友祭先祖以禮歷官所至必延師以誨其從子若孫族人有流亡者招集資給之性冲淡暇日惟端坐讀書於世味一切無所好而振窮周急惟恐或後金陵倪方伯舜薰入蜀卒于岳州孤寡幼弱啼號無措公卽舟次悉心棺斂然於方伯初未相識也公諱憲字大章號怡齋家世山東陽信人曾祖考諱弘德祖考諱思英考諱邕以壽冠帶前妣史氏早卒妣宋氏前母兄謙先卒母弟鉞前錦衣衛副千戶故事中監無恙于鄉者公嘗於

辭疾疏內請之比卒鉞復以公志請

上允之賜祭葬焉原在長壽鄉祖塋之右鉞奉其塾師  
廬舉人璧所爲狀乞予銘而巡撫都御史海嶠毛公與  
公同鄉雅相知亦爲之請予始會公均州以修學記文  
見屬予旣諾之而大比期迫冗弗及爲每自以爲欠事  
誣意後十餘年而竟銘公墓也悲夫銘曰

小雅巷伯燁垂篇章勃貂管蘇于邦有光清忠退厚  
如賀如強咸炳青史曷負銀璫倚嗟呂公柔巽貞剛  
言則古昔動由典章敷歷四土惠澤其霽素節誠心  
經營有方於以施之于何不臧宜爾

累朝恩遇隆昌於赫厥聲永懷不忘洛祠孔嚴魯封若  
堂後千萬年與澤俱長視彼培剋狐假鴟張曾不旋  
踵家毀身戕孰爲得失智者其量於戲天道維人之  
常作善恒休不善恒亡來者必思以勗專良

奉勅提督浙江市舶司事太監賴公墓誌銘

上御極之初肇新度政內外臣僚清淑端愿者咸見擢  
用惟時太監賴公始獲將

命頒賞于壽蕃耒幾承

勅提督浙江市舶司事至則革宿弊憫飢羸戒飭左右  
不絲毫擾於民服食器用雅素如寒士敬賢好儒怡然

去邊幅人之有技雖常布與之鈞禮或苦貧乏捐俸給  
之然飲其德不言故鮮有知者庭戶條然園池竹石清  
幽寂靜如隱者居凡居寧波六年敲朴弗施音樂弗用  
圖書左右鼓琴賦詩適趣塵垢之外而民懷其德士頌  
其賢間出巡海徼憂民懷

君形之于言爲東巡稿南行稿若干卷嘉靖丙戌早旣  
太甚公寢食弗寧冒暑徒跣禱祠山川中熱得秘結疾  
以七月三十日卒于寧波之公署遠近聞者莫不掩泣  
焉公兒吾柔而內見卓然得於天性六歲入

憲廟簡入內館稟學詞臣年十三

賜牌帽伴讀春宮

孝廟登極遂入司禮監歷陞奉御監丞少監以至太監  
賜蟒衣玉帶正德丁卯逆瑾日張公守正弗阿出居天  
壽山尋復出南京擯弗用者數年瑾旣伏辜

宗乃召掌鞍轡局事及在浙江館嘗產書之一莖縉紳  
談其事公所著復有漢賦十篇琴譜隸韻等書皆梓  
行于時諱恩字天錫別號非丘子福建上杭人考諱某  
携家客于長樂生公成化己丑八月十二日也未幾考  
沒妣溫氏公卒之日耆民謝淳輩相率聞于有司相貲

構祠以報公德公所知余文通氏將以 年 月 日  
葬公 山之原乃擬行實率公衆隨史通輩謁銘于予  
銘曰

小雅巷伯燁垂篇章勃貂管蘇干邦有光清忠退厚  
如賀如強咸炳青史曷負銀璫嗟嗟非丘爲陵爲岡  
違世不懼維時顯藏好善忘已視民恐傷以赫厥聲  
永懷不忘有祠越徼有原冀方於戲天道維人之常  
作善恒休不善恒亡來者必思以勗專良

明故國子監祭酒進階中憲大夫蕭川陳公墓

誌銘

公諱霽字子雨號葦川其先汴人宋有爲字諭者隨南渡家吳之吳苑鄉世以貲雄會祖諱永昌祖諱範克世先德例授章服考諱輿號竹坡履善行義鄉俗歸之以公貴封文林郎翰林院編修妣徐氏封孺人公生瓌奇秀穎十歲補邑庠生卒礪學業部使者往藝往往置高選弘治乙卯領鄉薦丙辰舉進士選翰林庶吉士戊午授編修杜門謝客專意經史以經濟自任乙丑同考會試所得名士爲多

毅皇御極將

命封鄭王贈遺悉辭弗受比還采民風五十章上政府

纂修

孝廟實錄戊辰丁徐孺人憂公性矜嚴少許可不能同聲附和輒黻逐時好既鮮諧於俗而其時逆瑾鵬張濁亂朝政公不能平時時見辭色瑾聞嗤之己巳夏五月出內批勒停家居意未懽密遣人索廢吳中無所得嗾公仇家誣奏公事下御史卽鞠以聞衆甚危公而公怡然自若瑾誅召復館職辛未陞左春坊左贊善時盜起齊魯邊務方殷公以平賊事宜及對邊拾策條諸本兵多所裨益甲戌陞南京翰林院侍講學士掌院事尋以竹坡翁憂去丁丑服闋起爲侍講學士充

經筵講官修

王牒

上經帟稀御懇請至再䟽皆留中比直講則因文敷義  
極言視朝稀晚遊幸頻仍群閹亂政西僧蠱惑國本未  
定四方多警皆人所不敢言者陸國子監祭酒型範端  
方規條峻整察陸館士之貧者病者死無歸者咸捐俸  
資之裁抑僥倖無所假借以故孤寒士恨公來晚而勢  
家于滋不悅人以爲得成均體屹然有公輔型

上宣府回鑾賜麒麟服四襲戊寅春陪祀

郊壇感風眩累䟽乞告

上乃許給驛以歸且令病痊起用已而忌者以危言中  
公

詔自陳致仕嘉靖戊子恭遇

皇上上

皇祖妣

皇考

聖母謚號覃恩海內進階中憲大夫公介直不肯容人  
過人多憚不敢近而其接引後進則惻惻愉愉畢露底  
裏晚更弘裕渾然去畛域慈仁好施蘇枯腴瘠雖甚費  
不爲靳御家嚴整臧獲雖衆庭戶無譁聲以禮自飭無

僂容無媢語雖盛寒暑不羶不扇卒之日正襟端坐而  
逝所著有王堂集六卷重校宋遼金三史二十卷成均  
集四卷歸田藁十卷公既沒燬於火所存僅十之一云  
生成化乙酉八月四日卒嘉靖己亥十月二日享年七  
十有五

上念公

先朝舊學賜祭命有司治葬事蓋特恩也配黃氏贈孺  
人繼惠氏封孺人皆先卒弗嗣繼栢氏子男二遴領丁  
酉南畿鄉薦娶華氏南京通政經歷俸之女造太學生  
娶陸氏前冢宰水村公女也孫男五憲仁憲明憲文憲

倫憲卿孫女五選將以一年月日塋公於潭山持  
公甥朱郡守節所爲狀問銘於邦奇邦奇自弱冠出公  
門下辱教獎最久今且老矣昔之同遊公門者今幾人  
在銘其敢辭銘曰

性也天植不以俗移嚴恭飭厲日予自持孰能媿  
以伴兒嬉徊翔翰苑聲華陸離敷陳經幄闡發幽微  
爰司曹監翼翼令儀橋門圜聽濟濟冠衣道直罔怨  
才高集疑權璫燭虐罔白成溜焦原跼足公處如夷  
歸田有吟恬焉自怡杜門著述孰我終遺惠而不居  
積而能施人以金裕我匪穀詒溫溫賢嗣允文且祗

公音鼎流振揚在茲

明故封徵仕郎楊州府通州判官陸公暨配贈  
孺人沈氏墓誌銘

嘉靖丙申七月十有八日封通州判官陸公卒於正寢  
距其生正統庚申八月十有一日壽九十有七矣其子  
登鈇卜卒之五年辛丑十二月二十有一日奉公暨先  
孺人柩合塋于桃源鄉西山之原時其弟鏜卒業賢監  
乃先期撰書幣以陳憲副半湖先生所爲狀馳使京師  
命鏜來請銘謹按狀公諱儀字文肅別號雪汀唐陸宣  
公裔也六世祖元初由慈溪徙家于勤高祖睿贈刑部

尚書曾祖應祥祖琪皆有潛德父垓以孫鉅貴贈都察院右副都御史母錢氏贈淑人公幼在家塾巍然據几不與諸生相狎長乃輟學遠遊逐駟騶恢弘家業朴素不喜珍麗裏賢淑其子士苟益於學狎而禮之不然徵逐遨嬉之徒欲一窺庭戶弗得也所購室有舊遺假山盡撤其石以甃湖堤曰無廢五材其超識如此至於供賓祭則竭誠敬致洗腆雖費弗靳兄弟宗姓紛綸華要而恂恂鄉閭無矜容倨詞親交貧乏賴公存濟者無慮數十百家而自奉泊然如單寒之狀

詔例民間八十以上冠帶姻黨勸應詔者屢年至逾九

十韋布自如比其子登通州秩滿始膺封典且冠服焉  
時年已九十五季弟憲副封都憲碧洲公率宗婣稱觴  
家慶郡守率僚屬張樂郊迎鄉邦榮之配沈氏贈孺人  
克修內政以相成公志生正統丙寅七月十有一日卒  
弘治丁巳七月七日享年五十有二長子卽登判通州  
陞碭山知縣沈出仲子鈇益王府引禮舍人徐出季子  
鐘太學生陳出女三范秉彝陳瓏金瀾其壻也孫男九  
鴻漸鴻休郡庠生鴻達鴻羽太學生鴻遠鴻達鴻進鴻  
猷鴻烈孫女七曾孫男七相材檜材棟材梓材梗材枿  
材良材曾孫女一予家於陸世嫺而予子子中聘公仲

子之子知公爲許且半湖忠諫人也與公交最久其文核乃據以銘銘曰

渾朴自珍曷費雕鐫率我素履物孰予遷駮牝三千維心塞淵曾奚取乎陶朱計然布韋甘老

綸章自天雲錦烏紗期頤之年艾而剖鑑終身廢絃監于子竒大倫以全悠悠四紀合窈斯阡皖皖雙璧終始弗愆猗嗟宣公世有象賢戔戔碩宗月湖之壩公恢厥家詩書是省嘉子將騰將騫維慶之綿有凝之堅太史勒銘永質幽玄

明故贈文林郎任丘縣知縣金公暨配孺人王氏

墓誌銘

公諱桂字天芳別號秋巖世爲嘉興人曾祖基祖鑑父  
瀾咸以淳龐重於鄉公孝愛天至父沒事母常以色養  
歲時或歌舞爲歡人謂有老萊風云宏豁無畛域而嚴  
於皁白人有善慕之如不及其以強梁輔轡鄉里者裁  
抑之不少貫用是良善庇焉而惡者不敢肆親識有急  
傾囊濟之旅食於門下者種種乃至釜餽或不繼恬然  
不以爲意及長區賦貧民稽公稅者不忍督責積逋至  
數千罄其產償之不足則逮繫累年終無憾意性喜飲  
酒善音聲每暇日燕集雅歌投壺竟日乃罷雖患難窮

阮未始見慍容配王氏同邑望族少淑閨範諳女誡  
書歸金柔石則處約若裕既抱貞疾日猶晨晡執香  
正襟兀坐肅然若臨頃之覽傳記數行遇忠孝節義歎  
息忻慕若忘其病焉比子燦以進士令任江迎養再三  
乃就見官舍肅然室無長物喜曰若是其守也吾見行  
政利民舉目有徵矣居無何會其子秩滿赴部宿疾加  
劇時諸歲制月制一未有具畧不經念怡然而逝公生  
正統壬午十二月二十七日卒正德戊寅九月十五日  
享年五十有七孺人生正統癸未十一月十一日卒嘉  
靖辛卯十二月二十二日享年六十有九子旣最績

勅贈公文林郎任江縣知縣配王氏贈孺人生二子俱  
殤育內姪富錦子之繼得子燦旣成立乃歸錦於富燦  
常兄視之仕於朝家務悉付經理女一適同邑祖梅燦  
由任江令擢監察御史太朝按蜀糾奸進良才節著甚  
始公卒葬東阡之新塋後以孺人合葬焉而墓猶缺銘  
迺辛丑九月御史君配封孺人某氏病歿于京邸乞歸  
治其二親之塋域瘞墓銘以圖永遠爰以其門人陳進  
士以勤所爲狀述而請予銘銘曰

多藏厚亡大槨飽茹消息虧盈園轉孰禦刀錐目睫  
纖夫是營有枯黏壁孰戒冥升公度恢恢忘機去矜

式歌且舞以娛其親官租代輸兩忘人已甦產局憂  
惟天是委女士式釐靖恭維則寔成賢胤名聲奕奕  
茂膺寵祿化約以豐疇哉燕翼而克如公豈繡言旋  
輝生宰木過者必瞻念茲詒穀

封太孺人黃母陳氏墓誌銘

太孺人陳氏贈翰林院編修粵洲黃公配也其先自汴  
梁徙居番禺宋有諱大震者官至吏部侍郎世爲嶺南  
甲族祖恩贈監察御史考政號東井首舉于鄉登進士  
改翰林院庶吉士授御史董京畿學政晉山東按察副  
使董學如故忤當道改雲南乃老太孺人以成化癸巳

八月二十八日生於雲南端重寡言笑七齡失怙哀慕  
如成人諸姊授以孝經論語卽了其大義稍長能引伸  
以及他書諸姊大異之毋秦孺人曰此女不凡宜歸諸  
儒族時長樂令雙槐黃公爲其子擇儷惟謹聞太孺人  
明淑遂禮聘焉年十七歸于黃時粵洲遊外邑講求春  
秋時時捐奩資和資給資罄而淹迹如故太孺人居之  
恬如也初長樂公自以不第進士爲終身歎每命粵洲  
曰易哉其終我之志然粵洲亦竟不第已而見其孫佐  
早慧善屬文喜曰是其能代父負荷也乎太孺人聞之  
則命佐曰易哉其終爾祖之志比佐膺薦偕計粵洲携

以行不幸病沒舟次佐歸葬結廬墓側思終身焉太孺人責之曰其忍忘而祖若考之訓乎乃復北上得高第入翰林讀書中秘授編修太孺人喜詒書曰而祖若考之志庶幾其成乎勵志聖賢無遏前休尚加勗之哉編修秩滿

馳恩封太孺人太孺人殊不色喜奉

璽書淚涔涔下曰恨而祖若父不及見今日也佐廉直不阿忤權貴改江西按察僉事未行改董廣西學政太孺人速之行曰夫遠近去就何常惟義之歸其端而規範作人以事

君又何求已而太孺人得熱疾棄官歸養者十年食貧  
故廬怡然安之嘉靖己亥佐承

召命以編修兼宮秩太孺人謂曰由侍從外補者吾見  
若干人焉獨膺是命

殊恩也吾將就爾養矣出餘歲以翰林侍讀掌篆留院  
近養至金陵尋擢春坊諭德召還修

王牒太孺人欣然北上曰吾疾從此愈矣會陞南京國  
子祭酒遂復還南壽日舉觴祝曰願

國家長治老身常健始稍笑語爲歡今年初夏太孺人  
忽思歸曰吾恐金陵終苦熱毒禽言謂不如歸去祭酒

聞而大恐卽疏情以請未及報而疾復作越數日遂終  
甲辰七月初四日也享年七十有二太孺人敦恪明悟  
孝奉舅姑姑李孺人性嚴重或頗見嗔責終無怨咨粵  
洲公兩遭親喪躬舂治磁漆太孺人亦均其勞手至輶  
裂不自言粵洲公篤于友義與其弟析產多所遜讓太  
孺人必從史成之粵洲割已田七十畝賜族爲義田復  
有貧且老者日求不已甚或手取太孺人簪珥曾無靳  
意不喜綺麗每製新衣惟一試輒仍舊服思以敦朴爲  
家族先曰吾性所安且毋令浪靡爲也待婢僕有恩至  
言稍涉嫚必扶之痛曰不爾且寢壞我家法聞古今事

輒能舉其臧否大槩有爲壽文及深山大澤實生龍蛇  
者訝曰此出左傳非頌禱語也引用誤矣其識類如此  
或時爲祭酒論出處曰爲丘文莊通而難爲陳白沙高  
而易聞者以爲知言子五人長卽佐娶李氏封孺人次  
佑傳仕保皆殤女一嫁廣州府學生何宇勤孫男三在  
中娶鍾氏在素聘蘇氏在宏女一嫁從化縣學生黎民  
秉粵洲公之葬在番禺永泰鄉聚龍岡之原祭酒擇今  
年冬 月 日以太孺人合葬古也予昔與祭酒爲僚  
今復同官留都見其明天人之故學有本原臨事有定  
力蓋少成夙習所從來久矣茲將扶櫬歸嶺南泣而以

銘屬銘曰

維長樂公志卓以偉名位不償而屬意厥嗣厥嗣復  
弗揚如將有俟明昭上天監下孔邇將昌德門釐之  
女士女士維何維訓方氏之子勸協圖箴明通經史  
古今大義以訓迪賢似曰適祖之志紹述維爾爾其  
勗哉光我宗祀瓊臺白沙嶺南崛起尚益懋迺植罔  
俾專美顯允司成敬共弗弛帝迪天牖如掌斯指紛  
紛經生孰喻宗旨學至知天視聽弗昧於以施之所  
就胡涖聚龍之岡卉木萋止慶源在焉竚觀其委

明故封太中大夫福建布政司左參政叔祖葵

軒公墓誌銘

槎湖張氏莫詳所從徙或曰宋南渡後徙自臨安或曰自井亭張氏支別始自元一府君傳四世爲宏靜府君拓產業崇禮教以振其家聲次子曰寧三府君諱文三府君諱公我叔祖葵軒公祖也父曰封大中大夫福建布政司左參政質菴府君諱緒朴直弘豁以庶平稱時鄉俗用金率多淆銅錫公耻不爲嘗得遺金輒歸其人見族子弟有讀書領解者踊躍歡喜曰吾數夢龍騰吾閭斯徵矣封淑人沈氏配公生三子季卽葵軒公生而溫恭顯慤不習狎鬪稍長動循矩矱片言跬步

罔有愆忒其爲善也如飢渴之必飲食其不爲不善也  
如揮蜂去棘懼其及也嘗私語曰天遠乎哉夫動息汝  
僭而不可違者天也一念少差卽陷大僂奚必雷霆之  
震與禍災之及哉族黨無少長貴賤一接以禮每廣坐  
賓會議譁譁起而獨斂容正色恬不爲動譁者乃止人  
有所愬卽弗直弗忍誚折俟其辭盡徐隨其言肯婉言  
譬之咸唯唯而解聚族子弟而教肄之因才飭迪俾各  
知義方凡三十餘年不厭臨取予必損已以裕人卽魚  
鹽細小稍弗當其直則終日不懌傭販之徒久乃亦信  
嘗行市得遺金徧求其人還之僅以金易絹謬溢其二

命止舟以待其人薄暮果來感謝而去家爲鄉里長所  
領十戶遇征稅亟輒代輸於官而徐使償之故十戶者  
倚庇如父母公時亦自食貧然惠濟弗怠人以爲難臧  
獲有過不加譴責惟誨諭使改卽愾事也身以勤率之  
或晏起則沓沓行戶外曰是家主履聲也倉皇乃起蓋  
不欲傷人意類如此其尤大者仁孝天至父母有疾卽  
憂形于色中夜或聞咳唾雖盛寒必攝衣往省之比卒  
躬負槨以葬傷伯仲氏之蕩而弗立也官府役歛歲時  
賓祭咸獨力支之至分餉以爲養諸從子以窘棘出徙  
則滌泣終日不食時展省先隴勤葺治禁芻牧增置祀

田培益宰木宗人賴之簡質絕無嗜好然顧獨好書即  
力弗能購則手自校錄以遺諸子諸子自懷抱能言而  
輒教以說詩學禮稍怠必施榎楚不少假借曰小兒輩  
心易放如逸馬不可控也誠愛之能勿勞爾乎其子今  
山東方伯既成進士敷歷中外每遺書諄諄以無犯官  
箴無侈服食爲訓累膺封錫而茹非敝不渝平生足跡  
不涉有司以清白力善爲藥石聞貪墨淫夸者卽輟楚  
焉吾父封吏部侍郎洞雲府君於公莫逆斯暮相對道  
徃古陳鑒戒人稱爲二封君云吾父沒公又與吾叔父  
且翁東軒翁者語也亦稱莫逆又與鄉里耆年長者月

爲詩酒會會必劇飲盡醉人謂公樂矣而公性特勤小  
物劬劬終日至白首不衰已稍稍有顧容方伯每泣諫  
答曰兒謂我爲豐腹計耶夫天有常運日月有常明造  
化且猶不息而况人乎吾縱不能宣力策勲乃忍素飽  
終身爲天地間蠹物耶若然者歿不救矣庚子十一月  
二日得疾辛丑正月朔日疾革諸子若婦以醫禱請拒  
弗許曰大命盡矣柰何強欲求活徒逆天重吾罪乎自  
我叔祖母孫淑人以下扣以後事終無一言惟曰兒輩  
好爲人二月三日續屬鄉黨宗戚無少長無不愀然墮  
涕者公諱忞字汝懷有軒一間僅可容膝日燕息哦詩

其中軒南植葵數本因號葵軒生咸化辛卯十一月一日享年七十有一初封承德郎南京禮部精膳司主事繼又封大中大夫福建布政司左參政配曰我叔祖妣孫氏初封安人繼又封淑人子男四長時鰲早慧而天次時徹山東布政司右布政使娶陳氏累封淑人生子邦仁郡庠生次時敷邑庠生娶洪氏生子邦儒次時檄娶沈氏生子邦保公女一適杓浦王榮先公十八年卒我宗叔方伯公將以 年 月 日葬公于三港口之下頭庄手錄公行實寓書於予曰知我先公者莫吾子若也其爲銘邦奇痛惟公忠信貫於金石孝弟通於神

明淑心純行真足以刑家邦而範來裔者蓋自幼習見焉而心佩法之屬官京師手書數至不忘規誨竊幸宗門倚庇猶未艾也而公今已矣然公平生恪畏天命祇修不懈孚允昭格篤生方伯以亢宗興闢天之報公亦旣彰彰明矣爲公銘豈惟家乘光也昭天勸人未有嘉聞其奚弗銘銘曰

天命維何匪敬弗格人心維何匪仁弗得公謚維天實恭自力聞周易昭力必浮食曰鑒不遠昊天不忒公惠維人性發慈惻救過恤災于疎于戚曰予同胞義均肥瘠人之頌公天聽聿聰誕降賢胤歷位靖恭

以元吾宗寵光重重方樂壽康胡法而終興刑亡矣  
嗚呼曷從三港之阡若堂斯封懷仁益謙如川來同  
刻詩貞珉式昭無窮

張文定公靡悔軒集卷之六